



Broj: 02/1- 4664 /16
Datum: 20.09. 2016. godine

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za nabavke za 2016. godinu broj: 02/1-156/16 od 14.01.2016. godine, na Preporuku Komisije za javnu nabavku konstatirane u Zapisniku o pregledu i ocjeni ponuda, broj: 08/1-14-2410-2/16 od 19.09.2016. godine, putem konkurentskog zahtjeva za dostavu ponuda – nabavka vatrogasne opreme za vatrogasce i poseban materijal za servis, tehničkih i drugih sredstava za vatrogasnu jedinicu u budžetskoj 2016. godini, Općinski načelnik kao ugovorni organ d o n o s i

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 08/1-14-2410-2/16 od 19.09.2016. godine i ugovor za nabavku vatrogasne opreme za vatrogasce i poseban materijal za servis, tehničkih i drugih sredstava za vatrogasnu jedinicu u budžetskoj 2016. godini, dodjeljuje se ponuđaču **FINANC d.o.o. Mostar**, ponuda broj: 318/16 - FM od 31.08.2016. godine, za ponuđenu cijenu od **43.550,00 KM**, bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **FINANC d.o.o. Mostar**, po proteku roka od 10 dana, računajući od dana kada je ponuđač obaviješten o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba civilne zaštite i Komisija za javne nabavke Općine Kakanj.

Član 4.

Ova odluka objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02/1-2696/16 od 02.06.2016. godine.

Procijenjena vrijednost javne nabavke bez PDV-a iznosi 40.397,67 KM.

Obavještenje o nabavci objavljeno je na portalu javnih nabavki, broj: 792-7-1-36-3-15/16 od 15.08.2016. godine.

Obzirom da procijenjena vrijednost javne nabavke iznosi 40.397,67 KM, da je ponuđena cijena za navedenu nabavku veća za 3.152,33 KM od procjene, Komisija je aktom, broj: 08/1-14-2410-1/16

od 07.09.2016. godine zatražila instrukciju od nadležne Službe da li može obezbijediti razliku sredstava i sa koje budžetske pozicije.

Služba civilne zaštite dostavila je odgovor na upit, broj: 09/7-604/16 od 09.09.2016. godine u kojem navodi da će razliku sredstava bezbijediti iz Budžeta Općine Kakanj, ekonomski kod 613400 i 613900.

Razmatrajući navedeno Komisija je donijela zaključak da se može nastaviti sa postupkom nabavke obzirom da su sredstva za realizaciju iste obezbijeđena u Budžetu Općine Kakanj.

Komisija za javnu nabavku u izvještaju o radu je utvrdila da je blagovremeno i pravilno izvršila otvaranje i ocjenu prispjele ponude o čemu je sačinila odgovarajuće zapisnike, u kojima je utvrđeno sljedeće:

- da je pristigla jedna ponuda,
- da je blagovremeno zaprimljena,
- da je ponuda ponuđača FINANC d.o.o. Mostar, prihvatljiva.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da ponuda izabranog ponuđača FINANC d.o.o. Mostar, je prihvatljiva zbog ispunjavanja traženih uslova iz tenderske dokumentacije, primjenjujući kriterij „najniža cijena“, da je ponuđena cijena u iznosu od 43.550,00 KM bez PDV-a (ukupna cijena ponude je 50.953,50 KM sa PDV-om).


Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 dana od dana prijema ove odluke, u skladu sa članom 99. i 101. stav 1., Zakona o javnim nabavkama BiH.

DOSTAVITI:

- FINANC d.o.o. Mostar,
- Komisiji za javne nabavke,
- Služba civilne zaštite,
- U spis,
- A/a.


OPĆINSKI NAČELNIK

Nermin Mandra